



PROVISIONAL INSTITUTIONS OF SELF GOVERNMENT

KUVENDI I KOSOVËS
СКУПШТИНА КОСОВА
ASSEMBLY OF KOSOVO

PROCESVERBAL
NGA MBLEDHJA X E KUVENDIT TË KOSOVËS
MBAJTUR ME 4.VII.2002

Mbledhja filloi me punë në ora 10.00

Mbledhjen e kryesoi: Kryetari i Kuvendit Akademik **Nexhat Daci**, anëtar i Kryesisë
z. Bajram Kosumi dhe Sekretari i Kuvendit **z. Frank Boulin**.

Kuvendi i Kosovës, para fillimit të seancës, mbajti një mbledhje komemorative për **Bedrush Çollakun** deputet i LPK-së, vdekjen e të cilit Kryetari i Kuvendit **z. Nexhat Daci** e quajti humbje për Kuvendin. Për jetën e deputetit **Çollaku**, foli **z. Bajram Kosumi**. Ai tha se **Çollaku** në fillim të viteve 60-ta zhvilloi aktivitetet në grupet e fshehta patriotike. Në vitin 1969 arrestohet nga regjimi serb dhe pesë vite mbahet në burgun e Nishit. Ai arrestohet dhe mbahet në burg edhe dy herë, 1979 dhe vitin 1981. Pas vitit 1981 ishte në udhëheqësi të Partisë Parlamentare të Kosovës, pastaj si veprimtar i Lëvizjes Popullore të Kosovës, i angazhuar në ndihmën e zgjerimit të UÇK-së, ndërsa pas luftës ishte ndër udhëheqësit e lartë të Lëvizjes Popullore të Kosovës. Në zgjedhjet 2001 ai zgjidhet deputet i Kuvendit të Kosovës. Kuvendin e Kosovës, për vdekjen e deputetit **Çollaku** e ka ngushëlluar edhe Gjeneral **Agim Çeku**, Komandant i TMK-së. Kryetari i Kuvendit konstatoi se në mbledhje janë të pranishëm shumica e deputetëve për vendosje të plotëfuqishme dhe për mbledhjen e sotme propozoi këtë:

R e n d i t e

1. Aprovimi i procesverbalit nga mbledhja e kaluar.
2. Shqyrtimi i Projektligjit mbi Pensionet në Kosovë.
3. Propozimi i Rezolutës mbi të drejtat e Komuniteteve dhe anëtarëve të tyre dhe mbi kushtet e kthimit të të zhvendosurve dhe refugjatëve.

Meqë nuk ka patur vërejtje në rendin e ditës, i njejtë është aprovuar.

I

Aprovimi i procesverbalit nga mbledhja e kaluar

Deputeti **Gojko Savić**, dha vërejtje se është ndryshuar rendi i ditës, nga ajo që është paraparë në Kryesinë e Kuvendit. Deputetja **Liljana Keniçi** kërkoi që të shtyhen pikat e rendit të ditës

Meqë sipas saj ende komisionet nuk kanë shqyrtuar projektligjin ndërsa deputeti **Sabit Rrustemi** kërkoi që të përfshihet edhe deklarata e tij,për festën e 2 Korrikut,dhe në Projektligj për pensionet të përfshihen edhe invalidët e luftës.

II

Shqyrtimi i Projektligjit mbi Pensionet në Kosovë

Për pikën e dytë Kryetari i Kuvendit z.Nexhat Daci tha se kishte biseduar një ditë më parë me Kryeministrin z.Bajram Rexhepin nga i cili kishte marrë përkrahjen absolute që në Kuvend të miratohej Ligji për pensionet themelore dhe të miratohet një **V E N D I M** me të cilin kërkohet që edhe invalidët e punës të përfshihen në këtë ligj.Formën dhe mënyrën le ta formulojë Qeveria.Një lloj forme kishte propozuar edhe anëtari i Kryesisë së Kuvendit z.**Fatmir Sejdiu**.

Ministri i Ekonomisë dhe Financave ,**Ali Sadriu**,tha se buxheti është i kufizuar,ministria e tij është e kufizuar për ta njohur kontributin e gjeneratave që kanë kaluar, dhe ai shkoçiti me të dhëna statistikore.Ai theksoi se mund të presim që përfitimi prej 28 euro të jetë vetëm për 6-muajtë e këtij viti por që nuk kufizon limitin për përcaktimin e nivlit të vitit 2003.Deputeti z.**Ramush Haradinaj** e ka cilësuar të dobishme propozimin për përfshirjen e invalidëve të punës në ligjin për pensionet themelore ,dhe ka kërkuar që Kuvendi të kërkoi nga Qeveria dhe UNMIK-u që të inicojë Projektligjin për pensionet e punës dhe atyre familjare.Ai gjithashtu kërkoi që më ligj edhe pozita e invalidëve të Luftës së UÇK-së të qartësohet pozita e familjeve të dëshmorëve dhe familjeve që kanë mbetur pa dy prindërit dhe pozita e kategorive të hendikepuara.

Ndërsa znj.**Flora Brovina** ka mbështetur Projektligjin për pensionet, dhe është hera e parë që mbrohen të moshuarit institucionalisht,por shumë prej 28 euro ajo e ka quajtur nënçmuese dhe kërkoi që të përfshihen në këtë ligj invalidët e luftës dhe ata të punës.Sabri Hamiti konsideroi se janë pjekur kushtet për miratimin e ligjit mbi pensionet në Kosovë dhe ka kërkuar që në këtë ligj të përfshihen edhe kategoritë tjera të invalidëve të punës dhe të shtohet në paragraf.Në paraqitjen deputetes **Liljana Keniçit** e cila gjatë debatit Kosovën e ka quajtur "**Kosovë e Metohi**".Kryetari **Nexhat Daci** ua tërheqi vërejtjen deputetëve,grupit parlamentar "**Kthimi**" se në të ardhmen nuk do të lejojë fyerje në Kuvend të Kosovës.Pastaj theksoi: kapaciteti im durues është konsumuar që shtatë muaj dhe unë këtë ia kam thënë Saviçit se deputetët e Kosovës duhet ta resktojnë Kornizën Kushtetuese në bazë të së cilës dhe janë anëtarë të Kuvendit të Kosovës,duhet ta respektojnë kontratën që kanë lidhur si deputetë, rregullat e Kuvendit të Kosovës dhe të gjitha dokumentet e tij në të cilat në tri gjuhë ,në shqip ,anglisht dhe serbisht shkruan Kuvendi i Kosovës,prandaj është kërkesë ndërkombëtare që të sillen ashtu.Unë sot nuk do t'ua marr fjalën por duke filluar nag seancat e ardhëshme nuk do ti lejohet askujt për fyerje,duke aluduar në shprehjet Kosovë –Metohi të cilën vazhdojnë ta përdorin.Pastaj diskutuan deputetët **Petkoviç**,**Sadudin Berisha** dhe **Sylejman Qerkezi** .Ndërsa Rada **Trajkoviç** kërkoi nga Kryesia e Kuvendit të Kosovës që të sillen në mënyrë demokratike,siç tha ajo askush s'mund ta ndalojë lirinë e të folurit.-Unë do ta përdor këtë shprehje edhe më tej-tha ajo duke kërkuar që të shtrohet në Kuvend çështja e ndrrimit të emrave të vendbanimeve,në Kosovë,dhe bëri vërejtje jodemokratike nga ana e Kryesisë së Kuvendit ,duke cilësuar se që 7 muaj kemi qenë

shumë demokratikë dhe kemi toleruar mjaft. Pastaj diskutoi **Xhavit Haliti**, anëtar i Kryesisë, **Rangjel Nojliq**, **Fatmir Limaj** i cili theksoi se Qeveria do të përmbushë obligimet edhe ndaj invalidëve të luftës që të gëzojnë një përkujdesje institucionale dhe përkrahi këtë Projektligj, pastaj diskutoi **Ibush Jonuzi**, **Xhezair Murati**. Projektligji u hodh në votim dhe për aprovimin e tij ishin 93 deputetë, kundër nuk pat dhe 1 abstenoj. Kryetari shpalli ligjin të miratuar nga Kuvendi i Kosovës.

III

Propozimi i Rezolutës mbi të drejtat Komuniteteve dhe anëtarëve të tyre dhe mbi kushtet e kthimit të të zhvendosurve dhe të refugjatëve.

Kryetari i Kuvendit ftoi Kryeministrin **Bajram Rexhepin** që të paraqet arsyetimet e Projektrezolutës në fjalë. Ai theksoi se ky propozim tregon se Qeveria e Kosovës është e interesuara për kthimin e njerzëve dhe dëshiron që kjo të mos mbetet vetëm deklarim verbal, për të cilën ai dha shpjegimet e duhura. **Bajram Kosumi** dhe **Sabri Hamiti** i kanë dhënë vërejtjet dhe sygjerimet e tyre të cilat ato kishin të bënin me formulimet në tekst, kështu që përveç pikës së parë e cila nuk është prekur, e dyta është ndryshuar dukshëm, sipas saj institucionet vendore dhe ndërkombëtare në Kosovë thirren që fuqimisht ti zbatojnë dispozitat ligjore duke u siguruar të gjithëve të drejtën e veprimit të pronës së tyre në mënyrë të ligjshme. Në pikën e tretë në vend të fjalës komunitet është zëvendësuar të gjithë qytetarët. Pika e katërt nuk është prekur. Këto janë përkrahur edhe nga **Ramush Haradinaj** dhe nga të tjerët, ka ndryshuar edhe pika e pestë. Në vend të thirrjes shumicë qytetarëve të Kosovës, pritet të jetë gjithë qytetarët e Kosovës. Pika e gjashtë është hequr, edhe pika e shtatë është kërkuar të hiqet dhe të plotësohet me një pikë tjetër. Poashtu ka kërkuar Kuvendi që në zyren e **z. Shtajnerit** të emërohet një shqipëtar për çështjen e kthimit të refugjatëve shqipëtarë, poashtu të emërohet një shqipëtar në kabinetin e Kryeministrit në rangun e Ministrit. Në rezolutë është kërkuar nga deputetët të hyjë edhe çështja e shqipëtarëve të dëbuar nga regjimi i Beogradit nga Kosova Lindore. Rreth kësaj debatuan deputetët **Fatmir Limaj**, **Ramadan Kelmendi**, **Xheydet Neziraj**, **Sabit Rustemi**, **Ilaz Pireva**, **Smajl Kurtishi** i cili kërkoi që të hyjë në këtë rezolutë edhe çështja e të zhvendosurve shqipëtarë nga Kosova Lindore, Medvegje, Bujanovc dhe Preshevë. Kryetari i Kuvendit kishte hedhur poshtë dhe nuk e kishte vënë në rend të ditës një propozim rezolute të bërë nga deputetët **Oliver Ivanoviç** dhe **Gojko Saviç**, e cila rezolutë është refuzuar nga Kryesia e Kuvendit për tu shqyrtuar në seancën e mbajtur me 4.VII.2002. Grupi parlamentar serb "Kthimi" braktisën sallën e Kuvendit dhe nuk votuan për rezolutën e Qeverisë. Rezoluta u miratua me ndryshimet e propozuara nga të gjithë deputetët e pranishëm. Për të ishin 75 deputetë, kundër nuk pat abstencion, nuk pat. Kryetari i njoftoi deputetët se mbledhja e ardhëshme e seancës plenare do të mbahet me 11.VII.2002. Diskutimet më të gjera të deputetëve janë të inçizuara në disketën e inçizimeve që gjenden në shërbimin përkatës.

PRISHTINË
Me 5.VII.2002
Nr.10/2002

SEKRETARIA E KUVENDIT